

دائرة مخصوصه

درسعادتده باب على جوارنده

محل اداره :

مشرط القبر

اخطار :

مسلكمزه موافق آثار جديده مع المنوويه
قبول اولنور

درج ابدلهين آثار اعاده او لغاير

ديده، فلسفه، علوم، حقوق، ادبياتده و سياسياتده و بالخاصه كرك سياسي اوكرك اجتماعي و مدني احوال و مشوره اسلاميه در بحث ايدر و هفته ده پر نشر اولنور.

آبونه بدلي

صاحب و مؤسسلري :

ابوالعلا زين العابدين - ح . اشرف اديب

درسعادتده نسخه سي ۵۰ پاره در

سنه لكي التي آيلني

ممالك عثمانيه ايجون	۸۰	۴۰	غروش
روسيه	»	۳۰۵	روبله
سائر ممالك اجنبيه	»	۹	فرائق

تاريخ تأسيسي

۱۰ تموز ۳۲۴

قيرله دن مقوا بورو ايله گوندريليرسه سنوي
۲۰ غروش فضله آلير

عدد : ۶۵

۱۹ ذی القعدة ۳۲۷ پنجشنبه ۱۹ نشرين ثاني ۳۲۵

اوچنجي جلد

اسایشه موفق اولدی . ایمپراطوره قارشى رعایتده قصور ایتدیکندن « توقوفاوا » به ایمپراطور طرفدن اولادینه ده انتقال ایتک اوزره « شوکون » عنوانی توجیه اولندی .

ژاپونلرک فکری بواصول ایله اشباع ایدلمش ، بواصول اداره بینلرینه کوک صالمش ایدی .

دره بکلکلی زماننده ژاپونیا اهالیسی درت صنفه تقسیم ایدلمش ایدی . بونلردن بری زادکان صنفی دیگر لریده کوییلرله ارباب صنعت و تجارت صنفلری ایدی . اراضی صاحبی اولان دره بکلری مستحکم شاتولرنده اقامت ایدرلر ، بعض تکالیف مقابلنده افراد معیتلری حیاه ایلرلر ایدی . بونلر ایچون محاربه احتیاجات ضروریه دن ایدی . بویله محبطلرده تربیت یدیر اولان چوجقلرله « سامورایی » دینیلن عسکر صنفک نخبه امالی ، غایه فکر و خیالیده شان و شرف قازانمقدن عبارت ایدی « سامورایی » لر حائز اولدقلری صفت عسکریه دن طولایی زادکاندن معدود ایدیلر . چونکه ژاپونلرک فکر نخبه بتون زادکانک عسکر اولسی ، بتون عسکرلرکده زادکاندن عد ایدلسی لازم کلور ایدی . بونلرک غایه تعلیم و تربیه لری ، مشغله لری جنبکلور . لکدن عبارت ایدی . دره بکلرینه قارشى اطاعت و صداقت کامله اوزره بولنق اعتقادی کندیلرنجه دین قدر حائز قوت ایدی . ایچلرنده بونک عکسفی تخیل ، بوندن تجرید نفس ایدن کیمسه بولماز ایدی . ژاپونیا ده « دوئللو » رینه « باراقیرا » دیتیلان اتحار عادتی قائم اولمش ایدی . حقارته دوچار اولان بر آدم اعاده ناموس ایچون اتحار وبوصورتله کندیسنى تحقیر ایدن کیمسه بییده اتحاره مجبور ایدر ایدی . بوحال ، ژاپونلرک فرط متانت وجسارتلرینه دلیل اولان بو عادت حالا جاریدر . اتحارلرده ، مجبوری ، اختیارى ناهلریله ایکی یه آیریلیر . مجبوری اتحار حکومتک زادکانه مخصوص بر لطفیدر . زادکاندن بری اعدامه محکوم اولورسه جلادالنده اولمه مک ایچون اتحار ایتسنه مساعده اولنور . اتحارلر علی العموم معبدلرده وقوع بولور . بر طاقم اکابرده . شاهد صفتیله محل اتحاره کیدر . اتحار ایدمه جک ادم یوزینی معبدک توجه نقطه سینه چویرر ، دیز چوکر ، یکلرینی دیزلرینه باغلادیر (چونکه زادکاندن اولانلرک بعدالاتحار همه حال یوزاوستی دوشمه لری لازمدر) . منتحر قارننک صول طرفه بریچاق صوقار یاواش یاواش بونی صاغه طوغری چکر . یاننده طوران ، منتحرک بوحرکتی نقطه سی نقطه سینه تعقیب ایدن بردوستی ده بردن بره ایاغه قالقهرق قلیجله منتحرک باشی کسر . الیوم قالدیرلمش اولان بو عادتک عودت ایتک احتمالی وارسه ده اختیاری اتحارلر الیوم واقعدر .

فرید



اصلاحات مدارس

مفصله بر مطالعه

بر مملکتده دین مبین اسلامک قوتی اومملکت علماسنک اقتدار

و اعتباری نسبتنده در . علماء اسلام احکام اسلامیه نک حکمت و حقیقتی خلقه تفهیم ایده مزده عقلمکن سفسطه لری دین نامنه قبول ایتدیرمک سوداسنه دوشرسه ، دینه خدمت دکل ، بلکه اهانت ایتمش اوله جنی کبی ، علامه ده اولسه حیثیتی اولیان بر عالم مطلوب خدمتی ایفا ایده مز . شمندی به قدر کرک هیاکل مستبده و کرک افراد اهالی نظرنده یوق دیه جک درجه یه کان حیثیت علمایی تمامیه اعاده ایتک و احتیاجات زمان نقطه نظر نجه دکرلی عالم یتشدیرمک یعنی الطاف مشروطیتدن علمیه نک ده حصه سنی آلمق بوکون دین مبین خادم لری ، پیغمبر وارثلری اوزرینه فرض عین کیدر . اسکی زلرده مدرسه لر علمک مأخذی ، هر درلو معارفک مرکزی ایکن اپی وقتدرکه قبه حماقت دنیلیور ، موقع جهالت نظریله باقلیوردی . علم و معارفی محوایله ملتک جهالتدن استفاده ایتک فکرنده یشایان حکومت مستبده ، هر صنف اهالی حقنده تطبیقنی لایق کوردیکی ضربه لر دن اک بیوکنی علمیه یه ایندیرمشدی . چیغجیلره و حتی چوبانلرله قدر صاریق صاریدیرمق کبی بردسیسه ایله حیثیت علمیه یی پایمال ایتمش ، کندینه مخصوص اولان بر قورنازلق ایله حسبه الله اوقومق فکرنده بولنان طلبه علومیده چالیشمقدن و از کچیرمشدی . حاصلی علمیه نک وجودینی تدریجاً اورتادن قالدیرمق فکر باطلانه همان همان موفق اولمشدی . بوکون بوانقاض استبداد چوق شکر محو اولدی . علم و معارفک قدرینی بیله جت ، ارباب اقتدارک قیمتی تقدیر ایدمه جک بر حکومت مشروطه یی حد اولسون کوزیمز کوردی . شمندی به قدر هر درلو تر قیدن کیری قالیشمز بر معذرتله محل ایدیلر بیلیردی . بوندن صکره وقوع بولان بطاقت شبهه سز درکه کندیمزی ، یالکمز کندیمزی مسؤل طوته جقدر . شویله یاه جغز بویله یاه جغز سوزلرینک لذتیه دماغمز طولدی . ارتق یاه جقلری یایمق ، قوه دن فعله چیقارمق زمانی کلدی . صوکی کلیه جک منفعت شخصیه یه قابلمیه لم . مسلك نامنه جدی چالیشم . یوقسه صورتا چالیشم سوزیله کفایتیه لم ، یاخود کندیمزی چالیشیور کبی کوستره رک هر کسی الدایمیه لم . مدرسه لرده فنون حاضر فنک اوقومنه سی ، و بناء علیه بر امید استقبال بولنمه سی دائما طلبه یی مدرسه دن صوغیدور . بالضرور مکتبلره تشویق ایدیور . بو حالک دوامی مرور زمان ایله طلبه نک توکنمسی ، مدرسه یه لزوم قالمه سی کبی وخیم بر نتیجه تولید ایدمه جک ماهیتی حائزدر . علمیه یی اسکی حالنه ارجاع ایتک و بلکه ده موجودیتی محافظه ایدمه بلک اکر یا کلیورسم مدرسه لرده علوم دینه کبی فنون جدیدیه یی ده مکتبلردن دهامکمل اوقوتمق ، طلبه و مدرسه یی فوق العاده انتظامه آلمق ، حاصلی بر امید استقبال تأمین ایدوبده طبیعتیله هر کسی مدرسه یه جلب ایتک خصوصنده ارباب علمک غیرت و همته قالمشدر .

ایشته بومهم نقطه لری ده ها زیاده تقدیر ایدن درس و کالتی اصلاحات علمیه ایچون وقوع بولان تشبثاتیه بتون علمایی ، عموم طلبه یی منتدار ایتشدیر . فقط مسلك علمیه ده بولنان سائر علماده اصلاحات مدارس حقنده کی فکرلرینی شو صرمده میدان قویسه لر فائده دن خالی

فنون جدیدہ بی دہ کالیہ کورمش اولورسہ ایکی یچق یالیزلی سوز
التدہ محجوب ، تأمین استبدالن محروم قالیری ؟

ثالثاً : شو اون بش سنہ اون بش صنف اعتبار ایدیلوبده قرعہ
امتحان ی رینہ ہر سنہ صنف امتحانی یاییلسہ عمومیتلہ غیرت اوپانیر .
انسان داخلی اولیانلر طاولہ اوپونندن وازچکر . خایر خایر یا اوکور
آدم اولور یاجیقار عائلہ تشکیل ایدر . مدرسہ لردہ اوٹہ اشغال ایدن ،
دولتہ ماتہ فائده سی اولیان برسوری اہالی حکومتہ ویرکو وعسکر
تدارک ایدر . صنعتسزلکدن ، قدماتقندن قورتارمش اولور ، ثروتمز
نفوسمز تزیاید ایدر .

ایشہ شومر وعات ایلہ بعض نقطہ لرنشریخ ایدلدی . دیگر نقطہ لرنک
تفصیلنہ لزوم کورمڈیکم ایچون التمش بندی حاوی ترتیب ایتدیکم
پروغرامی قارئین کرامہ تقدیم ایدیورم . تنقید واکالی اربانہ
محولدر .

مدرسہ نك تصفیہ سی

۱ — بلاعذر برسہ مدرسہ بی براقوب ترک تحصیل ایدن
طلبة علومک قیدلری ترقین ایدلمی . معذرت مشروعه سنی ویاخود
بشقہ محلدہ تحصیل علم ایلہ اشتغال ایلدیکنی اوراق رسمیه ایلہ اثبات
ایدن طلبة تکرار صنف سابقہ قبول اولمیلیدر :

۲ — اجازت الممش اولوبده ایکی دفعہ رؤس امتحانہ کیرمہ مش
ویاخود ایکسینده قزانہ مامش اولان طلبة مدرسہ دن چیقارلمی .
یالکزر رؤس امتحانہ کیرمک حقہ محافظہ ایتلمی در .

۳ — معاشلی امامت ، خطابت ، معلمک ، قیملک ، حافظ
کتبلک وظیفہ لرنندن بشقہ خدمات علمیه دہ بولنان طلبة علوم طلبہ لکنہ
ضررکلمک شرطیلہ مدرسہ دن چیقارلمی ، خدمات علمیه نك ماعداسی
مأموریتده بولنانلرنک قیدی ترقین ایدلمیلیدر .

۴ — محکومیت جزائیہ اقتران ایتسمہ بیلہ فعل شذیع
اجراسی ویاخود مسکرات استعمالی آرقداشلری بینده متواتر اولان
وعلی الاطلاق برسندون زیادہ حبس جزاسیلہ محکوم بولنان طلبة نك
قیدی ترقین ایدلمیلیدر .

۵ — برصنی ایکی سنہ ترفیع ایدہ میان طلبة نك قیدی ترقین
ایدلمیلیدر .

۶ — معارف مکتبیرینہ دوام ایدن طلبة مدرسہ درسیرینہ
دوام ایتدیکی مدتجه مدرسہ دن چیقارلمیلیدر .

طلبة نك مدرسہ قبولی

۷ — تذکرہ عثمانیہ ایلہ آشی شہادتنامہ سنی ابراز ایتینلر ،
اون ایکی یاشدن دون اولانلر مدرسہ نك هیچ برصنفہ قبول ایدلمہ ملی .
اون ایکی یاشدن دون اولوبده تعلقاتی یاننده اقامت ایدنلرنک معاملہ
قیدی لری تأخیر اولمیلیدر .

۸ — برنجی صنفہ قبول اولنق ایچون مکاتب ابتدائیہ ویا
رشدیہ شہادتنامہ سی بولنق ویاخود ابتدائیہ مآذونلری درجه سنده
امتحان ویرمک شرط اولمی . برنجی صنفلرہ کیرمک ایستہ یینلر

اولنر ظن ایدرم . بوخصوصہ دہ اک زیادہ نظر دقتہ آلتہ جق برقاج
جهت واردرکہ شو . لاحظہ یہ بناء تفصیلہ لزوم کوریورم .

اولا اصحاب خیرات طرفندن طلبة علومک اداره سیچون تخصیص
ایدلمش وفتلرنک یکونی مهم بر مبالغ تشکیل ایتدیکی خالدہ کوپکلرنک
بیلہ ییہ میہ جکی برقاج قاشیق چوربا ایلہ برقاج فودلہ مقابلنده محو
اولوب کیدیورم . سوء استعمالہ میدان ویرمہ مک ایچون (مساغ
شرعی یہ بناء) بولنر نقدہ تحویل ایدلسده طلبة علومہ معاش ویرلسہ
بردرجه یہ قدر طلبہ نك اداره سی تأمین ایدلمش اولور . سرمایہ عمرندن
رجوق وفتلرنک ضیاعنہ سبیت ویرن ، الحاله ہذہ تسأل شکلی آلمش
اولان جر سفالتندن دہ طلبہ قورتاریلور . وخارجہ قارشی صاریقلی یی
اہالی اوموزندن کچیندیرمک کبی برکیردن حکومت مشروطہ مز
محافظہ ایدیلیر .

ثانیاً : ہرکون علوم عربیہ دن ایکی درس اوقویان طلبة علومہ
برده فنون جدیدہ دن درس اوقودلسہ یومیہ اوچ درس اوقومق
صورتیلہ اون سنہ تحصیل کورن طلبة علوم ہم اجازت آلمش وہمدہ
مکتبدن چیقمش صاییلیر . فقط بوقدرلہ احتیاجہ کافی مکمل عالم
یتشدیرمش اولہ میز ، ذیلہ جک . اوت : مکمل آدم یتشدیرمک ایچون
بش سنہ دہا فوق العادہ درسار اوقوتق ایجاب ایدر . بوفوق العادہ
تحصیل ایچون هیچ برایشہ یرامیان عمارتار وغایت شرفلی موقعلردہ
بولنان برقاج مدرسہ لر (قواعد شرعیہ یہ تطبیقاً) استبدال صورتیلہ
صاتیلوب صحتہ مغل اولیہ جق فوق العادہ مدرسہ لر یاییلسہ مدت
تحصیلیہ سی بش سنہ اولان بومدرسہ لرنک برقصمی علم تفسیر وحديث
وانلرہ متعلق فنون حاضرہ یہ ، برقصمی علم فقہ وانک لوازمی اولان
فنون جدیدہ یہ ، دیگر برقصمی دہ علم کلام وانک توقف ایتدیکی
فنون حاضرہ یہ تخصیص ایدلسہ ہم دینہ ، ہم حکومتہ ، ہم معارفہ
خدمت ایدہ جک مقتدر آدملر یتشدیریلیر . امام غزالی کبی علمانک
کندی عصرلرنده کی فلاسفہ لره اوقودہ جق درجه دہ مسائل فلسفیہ یی
اوکر نمہ لری وانحق بوسایہ دہ دین مبینی محافظہ ایتلری بزہ نمونہ
امثال اولہ مزمی ؟

دنیادہ هیچ برکیمسہ کوریلہ مزکہ کندی امثالہ قارشی برحس
رقابت طاشیمہ سون . بربابانک ایکی اولادی آرہ سندنہ بیلہ اولدقجہ بر
رقابت ؛ باباسنہ دہا سوکیلی اولق ایچون قرداشنہ قارشی ہر برندہ
صنی برعداوت بولنسدینی انکار ایدیلہ مز . فقط بو برمیل طبعی ،
برحس ترقیدن عبارت اولوب جدی برعداوت اولمادینی یکدی بکلرنک
مخوینہ یاخود بر بیلہ یہ معروض قالمسہ راضی اولہ مسی دلالتیلہ اکلاشیلیر .
ایشہ مدرسہ لی ایلہ مکتبیلر آرہ سندنہ دہ شو رقابت تمامیلہ حکمی
اجرا ایتلی فقط معقول اولان درجه یی کچمہ ملیدر . زمان سابقہ
اولدینی کبی مکتبلردہ علوم دینیہ اہتمامی طوتلر ، مدرسہ لردہ فنون
حاضرہ دن هیچ بری اوقونمزسہ رقابتک ، فکر ترقینک وجودینہ
کیم قائل اولور ؟ برمکتبلی علوم دینیہ یی دہا زیادہ بیلیرسہ دینسزلککہ
اتہام ایتک ایستہ یین طلبہ نك اغزینہ توقاد وورہ مزمی ؟ برمدرسہ لی

مجلس مصالح طلبه ده امتحان ایدملی . اونجی سنه اجازتنامه سی اولیانلر اجازتنامه لی درجه سنده اثبات اهلیت ایدم بیلیرسه مدارس فوق العاده یه قبول اولمیلیدر .

۹ — تبعه عثمانیه نك بتون صنوفی حقه ده معتبر طوتیله حق اولان شرائط دخولك موجودیتی مدرسه لرده کی قیود و شروط سرعیه دن معافیتی استلزام ایتمالی .

۱۰ — تبعه اجنبیه نك مدرسه یه قبولی باب عالینك رسمی امرینه متوقف اولمیلیدر . معافیه بوامر مدرسه لرك امور داخلیه لرنده عموم طلبه حقه ده سرعی و معتبر اولان قیود و شروطك تمامی تطبیق خصوصنده هیچ بر تأثیری جائز اولماملیدر .

طلبه نك امور اداره واسطانی

۱۱ — مدرسه نك امور اداره واسکانی مدرسه نك عائد اولمی ، علمی لاحق اولمادینی وقوع اتدن مدرسی مسؤل طوتلاملیدر .

۱۲ — هر مدرسه مدرسی صحیفه لری درس و کالتیدن مهر لنش بر دفتره مدرسه ده اقامت ایدنلرك اسم و شهرت و مملکتی ، سن و اشکالی و کیمك درسه دوام ایتدیکنی و هانکی صنفك طلبه سی اولدیغنی ، ونه کی مجازات کوردیکنی ستون مخصوصه لرینه قید ایتیلیدر .

۱۳ — هر درسه عام کندپنه مخصوص اولان برجدوله هر کون درسه کلوب کلبه نی تحریر و آی نهایتنده مدرسه مفتشه خلاصه سی تودیع ایتیلیدر .

۱۴ — مدرسه نك تنویر و تنظیفی خدمتی بوابه عائد اولمی . مدرسه قابوسنی قاپه مامق ، کلوب کیدنلری تدقیق ایتمه ك ، مناسبتسر بر حال وقوع و بولورسه در حال مدرسه اخبار ایتمه مکن بواب مسؤل اولمیلیدر .

۱۵ — درسه عام و طلبه نك اقامت ایدم جکی اوطه بی مدرسه مدرسی تعیین ایتلی . اك ای اقامت ایدم لك حقنی صنفی اك عالی اولانك اولمی . صنف مساوی اولدیغنی صورتده قدمه اعتبار ایدمیلیدر .

۱۶ — درسه عاملر اوطه سنه کندی طلبه سنندن ماعدایی قبول ایتمه ك حقنی جائز اولمیلیدر .

۱۷ — طلبه اولیان مسافرلر بر هفته دن زیاده مدرسه ده اقامت ایدمه ملیدر .

۱۸ — هر صنفك طلبه سی مدرسه نك اسمنی ، صنف و صره نومرولرینی ناطق بر علامت طاقتمغه مجبور اولمیلیدر .

۱۹ — بر طلبه دوام ایتدیکی درسه عامی ترك ایدوب صنفنه معادل ویا دون بر صنفك درسه عامنه کیدرسه صکرده کی درسه عامك ویره جکی ورقه موجبجه مدرسه مدرسنك دفترینه قید اولمادجه نقلی معتبر اولمه ملیدر .

۲۰ — درس و کالتیه حریبه و معارف نظارتلرینك انتخاب ایدم جکلری اعضا لردن مرکب بر هیئت حضورنده هر سنه صنف امتحانی اجرا ایدملی . داخل اسنان اولانلر حقه ده آریجه قرعه امتحانی یا پاه ملیدر .

۲۱ — اصلاحات مدارس ممالك عثمانیه نك هر طرفه تشمیل ایدیلنجیه قدر طشرده تحصیل علوم ایدن طلبه اصول قدیمه وجهله قرعه امتحانه تابع اولمیلیدر .

۲۲ — بلا غدر ناموجودی مدت تحصیلك ثلثه بالغ اولان طلبه علوم صنف امتحانه قبول ایدمه ملیدر و صنف امتحانه قبول ایدمیلانلرك عدم دوامی هیئت مذکورده نك موجب قناعتی اوله حق معذرت مشروعه یه مبتنی بولنمادیغنی تقدیرده آبروجه قرعه امتحانه تابع طوتلی .

۲۳ — مدارس فوق العاده طلبه لری درسه عاملر کی رمضان شریفده فخری اوله رق تلقین دین ایتك اوزره طشریه اعزام ایدملی و بر طاقم اقتدار سزلی و عظدن منع ایتك خصوصنده بولنره معاونت ایتك اوزره بتون حا کلمره تبلیغات اجرا ایدمیلیدر .

۲۴ — پك چوق قیمتلی موقعلرده بولن ان بر قاچ مدرسه ایله عمارتلر (قواعد شرعیه تطبیقاً) استبدال صورتیه ساتیلوب اثمانیه واسع مقیاسده مدارس فوق العاده لر انشا ایدیلنجیه قدر فوق العاده درس لر و کالتك تعیین ایدم جکی موقعلرده اوقونمیلیدر .

۲۵ — مدارس فوق العاده طلبه لری او نامی تشکیل ایدن دارالنص ، دارالفقه ، دارالکلام اسملریله اوچ مهم شعبه یه تفریق ایدمیلیدر .

طلبه نك اعاشی

۲۶ — استانبول طلبه علومنه مشروطه اولان فودله واطمه سائره سوء استعمالدن قورتارلق اوزره (مساع شرعی به بناء) نقده تحویل ایدملی . خصوصی بر نظامنامه موجبجه طلبه یه معاش ویرلمیلیدر .

۲۷ — مأذون و معذور اولمادیغنی حالده درسی ترك ایدن طلبه علومك معاشندن قسط الیوم یا پالمیلیدر .

۲۸ — معارف مکتب لرینه دوام ایدن طلبه علومدن مدرسه ده هر درسه منتظماً دوام ایتیلر طلبه معاشی آله ماملیدر .

۲۹ — معاشلی امامت ، خطابت ، معلمك ، قیملك ، حافظ کتبلك وظیفه لرنده بولنان طلبه علومه معاش ویرلمه ملیدر .

طلبه نك مجازاتی

۳۰ — طلبه نك درس و وظیفه سنندن تولد ایدوب موجب مجازات اولان احوال مجلس مصالح طلبه معرفتیه فصل ایدمیلیدر .

۳۱ — طلبه نك توبیخ ویا تکدی رینی موجب اولان احوال مدرسه مدرسی طرفندن رؤیت ایدمیلیدر .

۳۲ — كرك مدرسه مدرسنك و كرك درسه عام و معلمك وظیفه اجرا ایدم جکی امر و تنبییه اطاعت ایتیان طلبه علوم حقه ده مجازات قانونی اجرا ایدمیلیدر .

۳۳ — فسق و سفاهته مخصوص اولان محللرده ، ادبی و فنی اولیان تیاترو و جمعیتلرده بولن ان و شرعاً مکروه و محرم لعباتی

اعتیاد ایدن ، وفرائض دینه سینه اهتمام ایتیمان طلبه علوم مجازات ایدلملیدر .

٣٤ - بلا ضرورت دوائر حکومتده و سیاسی جمعیتده و مواقع عسکریده و بالعموم متینغلرده بولنان طلبه علوم برنجیده توبیخ، ایکنجیده تکدیر ، اوچنجیده مجازات ایدلملیدر .

٣٥ - ممنوع محللرده بولنوبده مدرسلرک و یاخود مشیخت مأمورلرینک امرینه اطاعت ایتیمان طلبه علوم حقنیده مأمورین عأدهسی جانبندن مسارعة تعقیبات قانونیه اجرا ایدلملیدر .

٣٦ - طلبه اولدینی حالده تبدیل جامه و علامت ایدنلرک شو حرکتلری قانوناً تجریم ایدلملیدر .

٣٧ - طلبه دن اولسادقلری حالده طلبه یه مخصوص علامت فارقه طاقینانلر مرجعنک اخباری و یاخود طوغریدن طوغری حقوق عمومیه مأمورینک طلبی اوزرینه جزا قانونی احکامنجه مجازات ایدلملیدر .

٣٨ - طلبه نك جرمی حبسی موجب اولورسه مجلس مصالح طلبه نك اولبابده کی قراری با مذکره مقام مشیخته واورادن عأد اولدینی دوائر تودیع اولنملیدر .

درس پروگراملری

٣٩ - تحصیل علومك اك چوق مدتی اون بش سنه اولوب هر سنه بر صنف اعتبار ایدلملیدر .

٤٠ - بدایتدن اوننجی سنه یه قدر صالی ایله جمعه دن بشقه کونلرده اوقونه حق درسلك صباح برنجی درسیله ایکندی درسلی درسخانه لرده و یاخود محله جامعلرنده درس عاملر طرفندن ، صباح ایکنجی درسلی ده اوقونه واقف درس عام بولنمزه مقتدر معلملر طرفندن تدریس ایدیلرک علی الاصول اجازتنامه ویرلمی و بواون سنه نك تحصیانی شودرسلر تشکیل ایتلملیدر .

صنف صباح برنجی درس	صباح ایکنجی درس	ایکندی درسلی
١ صرف مع لغت	حسن خط	قواعد فارسی
٢ نحو مع مکالمه	حساب مع املا	فارسی مع ادبیات فارسیه
٣ نحو مع ادبیات عربیه	حساب ، جبر	فقهك عملیات قسمی
٤ نحو مع اصول ترجمه	تاریخ عمومی	وضع ، معانی
٥ منطق	»	معانی ، بیان
٦ » ، مناظره	هندسه	بیان ، بدیع
٧ توحید	حکمت طبعیه	اصول فقه
٨ کلام	»	»
٩ »	هیئت جدیده	»

٤١ - اون برنجی سنده دن اون بشنجی سنه یه قدر صالی ایله جمعه دن بشقه کونلرده اوقونه حق درسلدن دارالنص شعبه سنك تفسیر ، حدیث درسلی سلاطین جامعلرنده مجیز درس عاملر طرفندن ، دروس متباقیده درسخانه ده متخصص معلملر طرفندن تدریس ایدیلرک

آریجه شهادتنامه ویرلمی و بواون سنه نك تحصیانی شو درسلسر تشکیل ایتلملیدر :

صنف صباح برنجی درس	صباح ایکنجی درس	ایکندی درسی
١١ جغرافیا	تاریخ دین اسلام	حدیث مع اصول حدیث
١٢ ادبیات عربیه	تاریخ عثمانی	حدیث
١٣ علم آثار عتیقه و السنه	تاریخ عمومی	تفسیر
١٤ فلسفه	»	»
١٥ قوزموغرافیا	تاریخ ادبیات ، ادبیات عثمانیه	»

٤٢ - اون برنجی سنده دن اون بشنجی سنه یه قدر صالی ایله جمعه دن بشقه کونلرده اوقونه حق درسلدن دارالفقه شعبه سنك فقه درسلی سلاطین جامعلرنده مجیز درس عاملر طرفندن ، دروس متباقیده درسخانه لرده متخصص معلملر طرفندن تدریس ایدیلرک شهادتنامه ویرلمی و بواون سنه نك تحصیانی شو درسلسر تشکیل ایتلملیدر :

صنف صباح برنجی درس	صباح ایکنجی درس	ایکندی درسی
١١ حقوق اداره	حقوق دول	فقهك معاملات قسمی
١٢ اقتصاد	جزا نظریات ، حقوق اساسیه	»
١٣ اصول محاکمات جزا و صایا و فرائض ، اجرا	»	»
١٤ اصول محاکمات حقوقیه عهد	»	»
١٥ صك جزا ، صك حقوق اوقاف ، تجارت بریه و بحریه	»	»

٤٣ - اون برنجی سنده دن اون بشنجی سنه یه قدر جمعه ایله صالی کونلرندن بشقه کونلرده اوقونه حق درسلدن دارالکلام شعبه سنك کلام درسلی سلاطین جامعلرنده مجیز درس عاملر طرفندن ، دروس متباقیده درسخانه لرده متخصص معلملر طرفندن تدریس ایدیلرک شهادتنامه ویرلمی و بواون سنه نك تحصیانی شو درسلسر تشکیل ایتلملیدر :

صنف صباح برنجی درس	صباح ایکنجی درس	ایکندی درسلی
١١ نباتات	هندة تحلیلیه	علم کلامك تدقیقاتی
١٢ حیوانات	جبراعلا و مثلثات کروییه	»
١٣ کیمیای عضوی و حیاتی	حساب تمامی و تفاضلی	»
١٤ کیمیای غیر عضوی و تحلیلی	میخانیک	»
١٥ طبقات	هیئت ریاضیه	»

٤٤ - برنجی سنده دن اون بشنجی سنه یه قدر صالی کونلری درسخانه لرده درس عام و معلملر طرفلرندن شو درسلسر تدریس ایدلملیدر :

صنف صباح برنجی درس	صباح ایکنجی درس	ایکندی درسی
١ لسان اجنبی	خط اجنبی	قرآن کریم مع تجوید
٢ »	»	قرآن کریم
٣ »	»	»
٤ »	»	اخلاق
٥ »	»	»
٦ لسان اجنبی مع قواعد	»	»
٧ »	»	»

۸	لسان اجنبی مع قواعد	خط اجنبی	اخلاق
۹	»	کتابت ترکیه مع ادبیات ترکیه	»
۱۰	»	»	»
۱۱	»	»	»
۱۲	»	»	»
۱۳	»	»	»
۱۴	»	»	»
۱۵	»	»	»

۴۵ — برنجی، ایکنجی، اوچنجی صنفلرک درسلری لاقول بر ساعت دردنجی بشنجی صنفلرک درسلری بر ساعت اون بش دقیقه، متباقی اون صنفک درسلری بر پنج ساعت تقریر ایدلملیدر.
۴۶ — ذی الحجه تک بشندن اون بشنه، رجیک یکر میسندن شوالک اوننه قدر درس لر تعطیل ایدلمی. صنف امتحانلری شعبان ایتداسنده باشلا یوب یکر منجی کونه قدر ختام بولمیلیدر.

طلمک مطافی

۴۷ — طلمیه ویریله جک اجازتنامه و شهادتنامه لر درس وکیلک مهریله تصدیق ایدلمی. مصدق اولیان شهادتنامه و اجازتنامه لر رسماً معتبر طوتلمیلیدر.
۴۸ — اونجی صنف اجازتنامه سی درسعات دارالمعلمین رشديه شهادتنامه سی درجه سنده طوتلمیلیدر.
۴۹ — مدارس فوق العاده تک دارالنص شعبه سی شهادتنامه سی درسعات دارالفنون علوم عالییه و ادبیات شعبه لری شهادتنامه سی درجه سنده طوتلمیلیدر.
۵۰ — مدارس فوق العاده تک دارالفقه شعبه سی شهادتنامه سی درسعات مکتب حقوق شهادتنامه سی درجه سنده طوتلمیلیدر.
۵۱ — مدارس فوق العاده تک دارالکلام شعبه سی شهادتنامه سی درسعات دارالفنون ریاضیه و طبیعی شعبه لری شهادتنامه سی درجه سنده طوتلمیلیدر.

درس عامله دأر

۵۲ — استانبولک کرک علی العاده و کرک فوق العاده مدرسه - لرنده تدریس ایده جک اولان درس عام و معلم لر درس وکیلک ریاستی التنده تشکلی ایتش بر هیئت علمییه تک هر سنه شعباننده اجرا ایده جکی رؤس امتحانیله اوسنه تک محولی عددنجه انتخاب ایدلمی. امتحانسر تعیین ایدیلان معلم لر درس عام صره سنه کچمه ملی و فقط معاشلری موقتاً محلولدن ویرلمیلیدر.
۵۳ — درس عام لر اوقوت مقده اولدقلری صنفک فوقنده کی صنفه قدم و محلول نسبتنده ترفیع ایده بلمیلیدر.
۵۴ — استانبول درس عاملری ممالک عثمانیه دن دیله دیکی بر مملکتده تدریس ایده بلمی، و بو کیلرک معاشنه بشیوزدن صکره ضم ایدلمیلیدر.
۵۵ — تقاعد اولان درس عام بیک غروشدن فضله معاش المیلیدر.

۵۶ — تکرار امر تدریس ایله اشتغال ایتیان مجیزلره، و بشیوز غروشدن زیاده معاشلی وظیفه سی بولسانلره درس عام معاشی نامیله بشیوز غروشدن فضله معاش ویرلمیلیدر.

۵۷ — بلاعذر درسی ترک ایدن درس عام و معلمک معاشندن قسط الیوم یاپلمیلیدر.

۵۸ — وکیل تعیین ایتکسزین امر تدریسه برسنه فاصله ویرن درس عامک قیدی ترقین ایدلمی. و معذرت مشروعه سی اولیان درس عام بشقه سی توکیل ایده مملیلیدر.

۵۹ — درس عاملرک درس و وظیفه لرندن تولد ایدوب توبیخ و یتکدیر و یا خود مجازات ایجاب ایدن احوالک کلیسی مجلس مصالح طلبه معرفتیه فصل ایدلمیلیدر.

۶۰ — سائر ممالک عثمانیه ده امر تدریس ایله اشتغال ایدن طشره مدرسلکی ایچون تخصیص ایدیلان معاشه نائل اولمه میلیدر.

شویازدقلری میز او قویانلرک ذهننه درحال بوقدر فنون جدیدیه بیله جک درس عام پک آز بولور. هپسینی درعه ده ایده جک درس عام یتشجیه قدر خارجدن تعیین لازم کلن معلملرک معاشلری نره دن ویریله جک؟ اعتراضی طولاشه جقدر. فقط بز بوکا قارشی جواب ویرمکده کوجلاک چکمز. اوکی شیلر مشیختک، دها طوغریسی وطنمزه هر شیک ترقی و اصلاحی ایچون چالیشان مبعوثان کرامک دوشونه جکی شیلردر. بوندن صکره وقوع بوله جق محلولاتی موقتاً انلر می تخصیص ایدلر، بشقه بر قارشیلقمی بولورلر، و علمیه بودجه سنه ضم می ایدلر بورالری بیله میز. بزم مقصدمز یالکمز - کندی فکر مزه کلن براحتل موافق ایسه - اصلاحات مدارس حقنده بر مطالعه در.

بایزید درس عاملرک کرونلی

حلمی

عالم اسلام

روس معارف نظارتک بیاناتی مناسبیه

تعلیم عمومی به دأر

کچنده روس معارف نظارتک اسلام لر حقنده نه کی فکر لرده بولندیغی ساحه انتشاره وضع ایدرک بوکی حقسنزلقلردن طولای قلمزده جایگیر اولان اثر ناخشنودی یتقید یوللو میدانه چیقارمش و تعلیم عمومی یه ده نقدر طرفدار اولدیغمیزی فی الجمله اکلاتمشدق.

قزنده منتشر بیان الحق رفیق مزده روسیه اسلاملرینه بر نوع تحقیر اولان بو بیاناته بزم کی بد بینانه باقهرق تعلیم عمومینک تطبیقی خصوصنده بر طاقم فکر لر در میان ایدپور.

تعلیم عمومی مسئله سی بر ملت محکومه ایچون حیات ممت مسئله سی اولدیغندن بالطبع بر غزته جی طرفدن بونک نه صورتله قبول ایدیله جکی خصوصنده در میان ایدیلن فکرلره علی العمیا اشتراک ایده میز. بلکه